



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

Brunner, Andreas
Pfeffer, Wilhelm

Antverpiæ, [1659 erschienen] 1660

S. Christophorvs M. 25. Iulij.

urn:nbn:de:hbz:466:1-42032

Subdola enim inter sarcinulas castissimi aureum craterem condit, & abeuntem de furto accusat. Damnatur, ducitur, & in crucem tollitur; sed non moritur innocentia. Dum enim mœsti parentes iter relegunt, dum ægrè & pedestrahunt & animas senectutis scipione filio amisso, dum frui illos vel pendens aspectu iuvat, ecce ab infelici arbore filius: Quid lacrymis vivo parentas mater? vivo DER MATRE & IACOBO succollantibus: i, Iudici die, ne damnare pergat, quem mors absolvit. Vix hæc ille ad matrem, cùm mater hoc ad Iudicem mente accumbentem. Hic; tam scilicet filius tuus vivit, quàm assus hic cum gallinâ suâ gallus, qui lautus unctusque sepulchrum stomachum expectat. Iam carere parabat, cùm gallus & gallina in vitam se erigunt, innocentie victrici alis applaudunt, gallus etiam PANNA carat. Ergo damnat se ipsum ludex, & innocentem missum facit, volucrum verb proles posthuma etiam hodie plumas suas cum laudibus IACOBI in omnem orbem spargunt, nunquam omnes, licet tot quoti die vellicent, evellendas. Ex L. Marineo l. 5. de reb. HISP. c. ult.

Quid durius quid in corde dulcius, quid in terra quietius est, & securius bonâ conscientia? damna rerum non metuit, non verborum contumelias, non corporis cruciatus, quin & ipsâ morte magis erigitur quàm deprimatur. S. Bern. l. de Consid.

S. CHRISTOPHORVS M. 25. Iulij.

CHRISTOPHORVS, sive corporis sive animi spectes robur, semper magnus, nomen hoc suum reportasse tunc creditur, cùm CHRISTIVM sub pueri vultu per aquas transportavit, non magis

gni laboris maximum naulum. Certè CHRISTVM per Lyciam circumtulit, cum, ut auctor S. Ambrosius est, hominum millia IV. supra XL. ferre CHRISTI jugum docuit. Virgam manui familiarem cum ad concionem dicturus aliquando humi defixisset, confestim frondere vidit, & miraculo etiamnum pictores favent. Sed & ad tribunalia tulit CHRISTVM. Captus enim & in vincula coniectus, Decio imperante, immittas ad se geminas & perfrictas frontis mulierculas à Venere ad CHRISTVM perduxit, cui etiam sanguine suo mox litarunt. Ipse candentem ab igne galeam indutus & in ferreum, cui flammæ suberant, lectum abjectus dormire scilicet suaviter in his tormentis visus est. Indè jaculis militum stetit expositus, ingens meta, sed prorsus innoxia. Quid? quòd aiunt sagittam reversam domini sui oculo perniciem attulisse, & medicinam eidem CHRISTOPHORI sanguinem fuisse, qui tandem cervices gladio fortiter dedit, quod unum restare videbatur, ut humilem cæli portam tam magnus subire posset. *Ex Sur. & Lippel.*

Beata anima, qua thalamum suum diligenter ac decenter adornat, ut cum digno ac placito Christum regem honore suscipiat. O anima, considera, qua sit illa Majestas suscipienda: cogita quâ curâ te illi preparare locum oporteat. Guerricus serm. 3. de Pontific.

S. GLODESINDIS V. 25. Julij.

FRustra estis DEI rivales homines. Nemo Christo Sponsam suam eripiet, quando contra hæc pugnat, & propugnat ille pugnans. id quod GLODESINDIS virgo jam olim fecit manifestum. Natam in principe familiâ domum ducet

Q 2

lat